



5. marts 2010

Inatsisartut suleriaasianni § 36 imm. 1 naapertorlugu Naalakkersuisunut apeqquutit imaattut matumuuna saqqummiuppara:

Naalakkersuisunut apeqquut: Aalisakkanik tunisassiornermi perlukut eqqaannarneqartartut atorluarneqarnerunissaasa periarfissarsiuunneqarnissaat pillugu Naalakkersuisut qanoq iliuuseqarniarpat ? Apeqquutit ilaat tunngavilersummi takuneqarsinnaapput.
(Inatsisartuni ilaasortaq Kim Kielsen, Siumut)

Tunngavilersuut:

Qulaani apeqquut tunngaviuvog, matuma allakkiap nanginneratut Naalakkersuisunut apeqquuteqarnissannut. Ulloq 21. januar 2010 §§ 36-kut apeqquutima Naalakkersuisut akissutaanut innersuussillunga, uangattaaq isumaqarpunga piujuaanartitsinissaq tunngavigalugu ingerlatsisoqassasoq. Aammattaaq Naalakkersuisut anguniagaannut isumaqataavunga, aalisakkat pisat nunami suliffissuarni kiisalu kilisaatini suliffissualinni suliarineqartarnissaat.

Paaserusuppara, Naalakkersuisut eqqarsaateqarnersut, aammalu periarfissarsiuussiniarnersut aalisakkanik aammalu qalerualinnik tulaassat suliarineqarnerini perlukunngortartut eqqaannarneqartartullu annerusumik iluaqtigineqarnissaannik atorluarneqarnissaannillu.

Kalaallit Nunarput annertoqisumik nunanut allanut aalisakkanik qalerualinnillu nioqquteqarpoq, taakkuli tamakkiisumik nunatsinni suliarineqarneq ajorpoq. Tunisassiallu suliareqqaarnerini tunisassiarineqarsinnaanngitsutut taaneqartartut soorlu erlavikut niaqukut, qalerussat assigaallu sipporuttarput. Taamaattumillu ilumoorsorinarpoq taamatut tunisassiornermi perlukut annertoqisut eqqaannarneqartartut. Paasisimanasoraaru perlukut eqqaannarneqartartut tunisassiarineqartartut "nalinginnaasut" saniatigut atorluaneqarsinnaaneri. Taamaattumillu qulaajaanissaq pisariaqarsoraara, aningaasatigut qanoq iluaqtigineqarsinnaanerisa misissorneqarnissaat, ullumikkut tunisassiornerup "nalinginnaasup" saniatigut, taamalluta atorluaneq annertusineqassamat.

A) massakkumut perlukut annertussusaat.

1. Naalakkersuisut qinnuigineqarput, tunisassiornermi perlukut qanoq annertutigisut eqqaannarneqartarnersut, nalunaarsianik nutaanik peqarnersoq nalunaarutigeqqullugu. Taamatullu nalunaarsuutinik nutaanik peqarpat Naalakkersuisut qinnuigineqarput, matuma apeqquutip akissutaanut, ilanngullugit nalunaarsoqqullugit tunisassiat sorliit, qanorlu annertutigisunik perlukunik pilersitsisarnersut.
2. taamatut nalunaarsuutinik nutaanik peqanngippat, Naalakkersuisut isumaqarnerlutik pitsasuusoq taamatut nalunaarsuutinik nutaanik pissarsiornissaq. Naalakkersuisulli taamatut isumaqanngippata nassuaqquneqarpoq suut iluaqtaanersut, nalunaarsuutinik nutaanik peqqannginnissamat?

B) aalisakkat qaleruallillu perlukuunik Kalaallit Nunatsinni atorluaanissaq.

1. §§ 36 apeqquutinnut Naalakkersuisut akissutiminni ilaatigut oqaatigaat Naalakkersuisut politikkerigaat pisat tulaassat, nunami suliffissuarni kiisalu kilisaatini tamakkiisumik



SIUMUT INATSISARTUNI ILAASORTAAQ / LANDSTINGSMEDLEM

tunisassiarineqarnissaat. Naalakkersuisullu peqqussavakka "tamakkiisumik" qanoq paasisariaqarnersoq nassuiaqqullugu. Tamanna ima paasisariaqarnerluni Naalakkersuisut taamatut iliornissaq malittarigaat, kiisalu tunissasiortut periafissiuukkaat, tamaalilluni aalisarnermi tunisassiassat ineriartortinneqassasut, aalisartunit atorluaalernissaq siunertaralugu. Imaaluuniit paasisariaqarnerluni "tamakkiisumik" politikkikkut qanoq pilersaarningerluni? Nalunngilara ukiuni arlaqartuni Ilulissani Qalerallerivimmik Royal Greenland aalisakkat oliaanik tunissasiorersimmoq Ilulissanilu qalerallerineq sulisussaaaleqineq pissutigunarlugu unitsinnejarmat.

2. Naalakkersuisut paassisutissanik peqarnerlutik, Royal Greenlandip aalisakkat oliaanik suliffissualiornerminni aningaasaliissutaat imminnut akilersinnaassuseqarsimanersut? Tamannali piginneqatigiilluni ingerlatsinissamut inatsisip illersuinerani paassisutissiinissamut killilersuinera aallaavigalugu killilimmik peqartoqarsinnaagaluartoq.
3. Naalakkersuisut nalunngisaqarnerlutik Royal Greenland allallumi tunisassiorfiit pilersaaruteqarnersut, misissuinersullu taamatut atorluaanissaq siunertaralugu tunisassiulernissamut, taamaassappallu inussiarnersumik Naalakkersuisut qinnuvigissavakka kikkut qanorlu pilersaarutaannik tunniusseqqullugit.

C) Island aamma Savalimmiut perlukut tunisassiarisarpaat.

Paasitinneqarnera naapertorlugu Islandimi Savalimmiunilu aalisakkat qaleruallillu perlukuunik tunisassiorfeqartoqarpoq. Kisianili oqaatigereertariaqarpoq, akikitsumik sukkasuumillu nunat taakkua iluani tunissassiat perlukui angallanneqapallassinaagunarmata. Nassuerutigisariaqarporlu Nunatsinni isorartoqisumi aammalu tunisassiofeerarpassualimmi, assigiitorpassuarnik annikitsunillu tunisassiorfut, taamatut iliorsinnaaneq killeqaqimmat. Kiisalu nassiussinermut aningaasartutit aammalu ingerlatsinermut aningaasartuuteerarpassuit taamatut tunisassiornerinnaanerup imminut akilersinnaanera killilersussammagu. Kisianili allanik paassisutissanik peqarnersoq soqtiginarpoq tusassallugu, taamaalilluni tunissassiornermi perlukut atorluarnerusinnaanerisa nalilersorluarneqarnissaat siunertaralugu.

1. Naalakkersuisut isumaqarnerlutik, ullumikkut pissutsit ajornartorsiutaasinnassullu aallaavigalugit siunissami tunisassiornermi perlukut igiinnarneqartartut atorluarnerusinnaaneri, siumut isigisumik kiisalu ajornanngitsumik nalunaarusiortoqarsinnaanersoq? Pissusissamisuussoorlu nalunaarusiortoqarsinnaasut tamaasa ilanngunissaat, soorlu aningaasarsiornermut attuumassutillit.

D) tunisassiornermi perlukut tunisassiareqqinnerini avatangiisirut attuumassuteqarsinnaasut.

Kalaallit Nunatsinni aalisakkanik tunisassiorfiit MSC-mik meqqilersuinissaq anguniarpaat. Taassumalu nittartagaani takuneqarsinnaavoq, taamatut suliffissuaqarneq tamanut attuumassuteqanngitsunit misissorneqartoq, pitsaanerulernissaa siunertaralugu. Taamatullu meqqilersuineraup siunertaraa piujuaanartitsinissaq siunertaralugu tunisassioriaaseq. Nalunangilarlu nunani killerni atuisunit tamanna annertuumik isiginiarneqartoq. Ilimanarsinnaavorlu taamatut ineriartornermut tullinnguuukkumaartoq, taamatut tunissassiornermi avatangiisirut sunniutiginissaasa isiginiarneqarnerulerneri. Taamaalilluni uagut taamatut tunisassiornitsinni avatangiisirut sunniutaasinnaasut isiginianngikkutsigit isornartorsiorneqarsinnaanissaq ilimagisariaqparparput.



SIUMUT INATSISARTUNI ILAASORTAAQ / LANDSTINGSMEDLEM

1. Naalakkersuisut isuqatiginerlunga, oqassaguma ilmagalugu, imarmiunik tunisassianik pisisartut atuisullu siunissami piumasaqarnerusinnaaneri, tunissassiat qanoq pilersinneqarnerisa nalunaarsorneqarnerunissaat eqqarsaatigalugu, tassani avatangiisinut tunngasut ilanggullugit.?
2. Naalakkersuisut isumaqarnerlutik, aalisakkanik tunisassiorfit, tunisassiornermi avatangiisinut sunniutigisinnaasaat eqeersermaarfingineqarnersut, aammalu perlukut eqqaannarneqartartut minnerpaaffimmiiitinneqarnissaat eqqummaariffingineqartoq, imaluunniit aalisakkanik oliliaq tunisassiorfinni ikummatigut atorneqarsinnaanersoq?